



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

14 ապրիլի 2021 թվականի №122Ա
քաղ. Երևան

**ԵՐԵՎԱՆ ՔԱՂԱՔԻ ՄԻ ՇԱՐՔ ՀԱՍՅԵՆԵՐՈՒՄ ՏԵՂԱԴՐՎՈՂ ԳՈՎԱԶԴԱՅԻՆ
ՄԻՋՈՑՆԵՐԻ ՄՊԱՌՄԱՆ ՀԱՄԱԿԱՐԳԵՐՆ ԷԼԵԿՏՐԱԿԱՆ ՑԱՆՑԻՆ
ՄԻԱՑՆԵԼՈՒ ՄԱՍԻՆ**

Հաշվի առնելով՝

ա) Երևան քաղաքի Շիրազի, Մազմանյան, Սիլիկյան, Գ. Չաուշի փողոցների խաչմերուկում, Սարյան 22 փոստատան դիմացի մայթին (Արամի-Բուզանդի փողոցների միջնամասում), Շիրազի փողոցի 26 հասցեի, Խորենացու փողոցի (Էրեբունու ոստիկանության մոտ) և Հասրաթյան փողոցից Սիլիկյան փողոց տանող ճանապարհի վերագետնյա անցումներին, Նալբանդյան-Հանրապետության փողոցների միջև ընկած հատվածում, Մյասնիկյան պողոտայի խաչմերուկում գտնվող՝ Մյասնիկյան-Սարալանջի ստորագետնյա անցման (թունելի), Աբովյան-Մյասնիկյան թունելի վրա տեղադրվող գովազդային միջոցների սպառման համակարգերն (այսուհետ՝ Սպառման համակարգեր) էլեկտրական ցանցին միացնելու վերաբերյալ «Գալլերի», «Իմիջ Սթայլ», «Արմադա Կո» և «Արտ Սթայլ» սահմանափակ պատասխանատվությամբ ընկերությունների լիազորված անձ Արշակ Արիստակեսյանի (այսուհետ՝ Դիմող անձ)՝ «Հայաստանի էլեկտրական ցանցեր» փակ բաժնետիրական ընկերությանն (այսուհետ՝ Ընկերություն) ուղղված 2021 թվականի մարտի 1-ի դիմումը,

բ) որ Սպառման համակարգերը Դիմող անձի դիմումի համաձայն միացվում են Ընկերության էլեկտրական ցանցին՝ որպես առանձին սպառման համակարգ, և լրացուցիչ ծախսեր չեն առաջացնում,

գ) որ Երևանի քաղաքապետարանը, համաձայն իր 2021 թվականի մարտի 15-ի №52/28869, №52/28870, №52/28871 և №52/28873 գրությունների (այսուհետ՝ Գրություններ), չի առարկում սույն որոշման «ա» կետում նշված հասցեներում

տեղադրվող գովազդային միջոցների սպառման համակարգերի միացմանն
Ընկերության էլեկտրական ցանցին,

դ) Ընկերության 2021 թվականի ապրիլի 2-ի №Ե-83-21 և Դիմող անձի 2021
թվականի մարտի 31-ի գրությունները, որոնց համաձայն՝ վերջիններս չեն առարկում
Սպառման համակարգերը սույն որոշմամբ սահմանված ընթացակարգով էլեկտրական
ցանցին միացնելուն,

և հիմք ընդունելով Հայաստանի Հանրապետության հանրային ծառայությունները
կարգավորող հանձնաժողովի 2006 թվականի դեկտեմբերի 27-ի №358Ն որոշմամբ
հաստատված՝ էլեկտրական էներգիայի մատակարարման և օգտագործման կանոնների
13.8-րդ կետը՝ Հայաստանի Հանրապետության հանրային ծառայությունները
կարգավորող հանձնաժողովը **որոշում է.**

1. Սահմանել, որ Սպառման համակարգերը էլեկտրական ցանցին միացվում են
Հայաստանի Հանրապետության հանրային ծառայությունները կարգավորող
հանձնաժողովի 2006 թվականի դեկտեմբերի 27-ի №358Ն որոշմամբ
հաստատված՝ էլեկտրական էներգիայի մատակարարման և օգտագործման
կանոնների 14.4-րդ կետով սահմանված կարգով՝ տեխնիկական պայմաններ
տրամադրելու միջոցով՝ կանոնների 13.2 կետի 5-րդ ենթակետով պահանջվող
փաստաթղթի փոխարեն հիմք ընդունելով Գրությունները:
2. Ընկերությանը՝ ընդունել ի գիտություն, որ չի թույլատրվում Դիմող անձից
պահանջել կատարելու վճարումներ, տրամադրել հատուցում, ներկայացնել
տեղեկատվություն և փաստաթղթեր կամ նրան ծանրաբեռնել
պարտավորություններով, եթե դրանք սահմանված չեն էլեկտրական էներգիայի
մատակարարման և օգտագործման կանոններով, այլ նորմատիվ իրավական
ակտերով, սույն որոշմամբ կամ էլեկտրամատակարարման պայմանագրով:
3. Սույն որոշումն ուժի մեջ է մտնում Ընկերությանը և Դիմող անձին օրենքով
սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝**

ք. Երևան
14 ապրիլի 2021 թ.

